



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 20. Designat Cardinales.

---

[urn:nbn:de:hbz:466:1-66293](#)

Sæcol. XIV.  
A.C. 1371.

§. XX.

*Designantur Cardinales.*

Vitæ p. 427. 1061. **D**ie Veneris post Pentecosten 6 Junii

an. 1371 Papa Gregorius declaravit duodecim Cardinales, octo Presbyteros, & quatuor Diaconos. Primus erat Petrus Gomesius Barrosinus Hispanus, tunc Hispalensis Archiepiscopus, probabiliter nepos illius, quem anno 1327 Joannes XXII Cardinalem creavit: uterque gessit titulum de S. Praxedede. Iste sic promotus Avenionem Papæ adduxit duos e-

Sup. lib. 93.  
§. 40.

Vad. 1371.  
n. 4.

quos pulcherrimos, quos ei Rex Castellæ donabat cum ornatu pretiosissimo. Secundus, Joannes Crosius Papæ cognatus in tertio gradu, per Clementem VI ab anno 1348 Lemovicensis Episcopus, modo Cardinalis de S. Nereo; sed communiter

Vitæ p. 1070 vocatus Cardinalis Lemovicensis. Tertius, Bertrandus Cosnacius ex eadem dioceſi, primum Brivanus Canonicus Regularis, deinde Tolosanus Doctor Juris Pontificii, & anno 1337 Brivanus Prior, postmodum Convenarum Episcopus, & inde dictus Cardinalis Convenanus.

Quartus, Bertrandus Latgerus Arvernus Ord. Minorum, Doctor Theologiæ, anno 1345 a Clemente VI renunciatus Episcopus Alassinus in Corsica, inde post tres annos Assisium, & hinc Glandevam trans-

translatus anno 1368; unde cognomen *Sæcul. XIV.*  
traxit ut Cardinalis, etsi habebat titulum *A.C. 1371.*  
de S. Cæcilia. Quintus, Robertus Gene-  
vas Comitis Genevensis frater, ex Caro-  
nico Parisino, & Archigrammateo Sacrae  
Sedis factus an. 1365 Tervanus Episco-  
pus, post triennium translatus Camera-  
cum, modo Cardinalis de duodecim Apo-  
stolis. Sextus, Guilielmus Chanacius e *Vita p. 1085*  
nobilissima stirpe Lemovicensi, anno æta-  
tis septimo Lemovicis ad S. Martialem  
monastica indutus veste, Parisiis evasit  
Doctor Juris Canonici, an. 1354 Salmu-  
rinus ad S. Florentium Abbas, an. 1368  
per Urbanum V Carnuti Episcopus, an.  
1371 per Gregorium XI Mimati Præful,  
& mox Cardinalis de S. Vitale.

Septimus, Joannes Faber Papæ Gre-  
gorii consobrinus, Doctor legum, ac ex  
Decano Aurelianensis Ecclesiæ Episco-  
pus Tutensis per Urbanum V ab anno  
1370, postea Cardinalis de S. Marcello,  
sed brevi mortuus, nempe 6 Martii an.  
1372. Octavus Joannes Turrius Arver-  
nus, Abbas Benedictofanensis ad Ligerim,  
modo Cardinalis de S. Laurentio in *Lu-*  
*cina.* En octo Cardinales Presbyteros!

Primus Diaconorum, & nonus inter  
omnes fuit Jacobus Ursinus Romanus,  
Notarius Sacræ Sedis. Decimus, Petrus  
Flandrinus ex Vivarina dioecesi, Doctor  
Juris Canonici, ex Decano Ecclesiæ Bajo-  
cenii,

*p. 1092.**p. 1104.*

Sæcul. XIV.  
A.C. 1371.

p. IIII3.

p. IIII6.

censis, Cardinalis de S. Eustachio. Undecimus, Guilielmus Noëlletus e dioecesi Engolismensi, anno 1365 Tolosæ inter Doctores Juris relatus, postmodo Canonicus Bajocensis, & Auditor sacri palatii, anno 1366 Constantinopolim ad reconciliandas Ecclesias missus, Archidiaconi Carnutensis munere fungebatur, quando appellatus est Cardinalis de S. Angelo. Ultimus, Petrus Vergnius, in Tultensi dioecesi natus, Cesseronius Doctor Juris Pontificii, anno 1368 Vaurensi concilio ut Narbonensis Canonicus adfuit, & Archidiaconum Rothomagensem agebat, cum nominatus est Cardinalis de S. Maria *in via lata*. Hi tres posteriores erant Auditores sacri palatii, & Papæ Gregorio a supplicibus libellis. Habes duodecim Cardinales decretos 6 Junii anno 1371.

### §. XXI.

#### *Quæstiones de augustinissima Euchristia.*

Nicolaus Emericus Dominicanus Theologæ Doctor, ac per Arragoniam Inquisitor Papæ Gregorio indicavit, hoc in regno quosdam Religiosos e suggestu sacro protulisse has tres propositiones:  
I. Si consecrata hostia cadat in coenum, locum

*Direct. In-  
quis. p. 44.*